



**Nærøfjorden  
verneområdestyre**

**Postadresse**  
Nærøfjorden verneområdestyre  
Njøsavegen 2  
6863 Leikanger

**Besøksadresse**  
Fjordsenteret  
5745 Aurland

**Kontakt**  
Sentralbord: +47 57 64 30 00  
Direkte: +47 5764 3129

sfvlpost@statsforvalteren.no  
www.nasjonalparkstyre.no/naroyfjorden

Statens vegvesen  
Postboks 1010 Nordre Ål  
2605 LILLEHAMMER

Sakshandsamar Anbjørg Nornes

Vår ref. 2021/3953-0 432.2

Dykkar ref.

Dato 04.05.2021

## **Dispensasjon - Delegert vedtak - endring av påkoplingspunkt - Nærøfjorden landskapsvernområde - Stalheimskleiva - midlertidig anleggsveg -Statens vegvesen**

Sender vedlagt delegert vedtak frå Nærøfjorden verneområdestyre.

### **Informasjon om klagerett**

Vedtaket kan klagast inn for Miljødirektoratet av partar i saka eller andre som har rettsleg klageinteresse med ein frist på 3 veker jf. forvaltningslova §§ 28-29. Klagen skal rettast til Miljødirektoratet, men sendast via verneområdestyret v/sekretariatet, som kan gje nærare opplysningar om klagerett og rett til og sjå saksdokument.

Med helsing

Anbjørg Nornes  
verneområdeforvaltar

*Dokumentet er elektronisk godkjent*

Kopi til:  
Statsforvaltaren i Vestland Njøsavegen 2 6863 LEIKANGER  
Voss herad Postboks 145 5701 VOSS  
Vestland fylkeskommune Postboks 7900 5020 BERGEN  
SNO Aurland



Utval	Delegeringssak (DS)
Nærøyfjorden verneområdestyre	

## Delegert vedtak - endring av påkoplingspunkt - Nærøyfjorden landskapsvernområde - Stalheimskleiva - midlertidig anleggsveg -Statens vegvesen

### Delegert vedtak

***I medhald av delegeringsreglement vedteke av Nærøyfjorden verneområdestyre 30.11.2015, vert det gjort fylgjande vedtak:***

Nærøyfjorden verneområdestyre gjev Statens vegvesen dispensasjon til å gjera endringar på planane for bygging av ein midlertidig anleggsveg i Stalheimskleiva. Dispensasjonen er gjeve med heimel i verneforskrifta for Nærøyfjorden landskapsvernområde og naturmangfaldlova § 48 fyrste ledd og fyrste alternativ.

Løyvet er gjeve med fylgjande vilkår:

- Fjellknausen i starten av anleggsvegen, der anleggsvegen vert kopla på Stalheimskleiva, kan fjernast. Steinane skal piggast eller meislast ned. Steinane og jorda skal leggjast tilbake i terrenget når anleggsvegen vert fjerna, slik at landskapet vert minst mogleg endra.
- Ved opprydding etter anleggsvegen skal alle spor fjernast, og terrenget skal tilbakeførast til den stand det var før vegen vart bygd.
- Anleggsvegen skal vera rydda og fjerna etter 3 år, og seinast innan 01.10.2023.
- Det skal ikkje ligge att lagra massar og restar frå vegfylling i verneområdet etter anleggsperioden er ferdig.
- Når arbeidet er ferdig, skal det sendast inn dokumentasjon som viser opprydding etter anleggsvegen.

### Saksopplysningar

Dokument som bakgrunn for saka:



- Søknad om ny endring – midlertidig anleggsveg i Stalheimskleiva, frå Statens vegvesen datert 03.05.2021
- Dispensasjon – delegert vedtak – endring – Nærøyfjorden landskapsvernområde – Stalheimskleiva – midlertidig anleggsveg – Statens vegvesen, delegert sak 27.04.2021
- Dispensasjonssøknad – endring midlertidig anleggsveg i Stalheimskleiva, frå Statens vegvesen datert 26.04.2021
- Dispensasjon – Nærøyfjorden landskapsvernområde – Stalheimskleiva – midlertidig anleggsveg, sak 24/21 – 15.03.2021

Saka vert vurdert etter:

- Forskrift om vern av Nærøyfjorden landskapsvernområde av 08.11.2002
- Naturmangfaldlova av 19.06.2009
- Forvaltningsplan for Nærøyfjorden, rapport nr. 1 - 2008

Nærøyfjorden verneområdestyre gav Statens vegvesen dispensasjon frå verneforskrifta for Nærøyfjorden landskapsvernområde for å bygge ein midlertidig anleggsveg i Stalheimskleiva, sak 24/21. Anleggsvegen skal brukast i samband med istandsetting av Minesvingen i Stalheimskleiva.

21. april var Statens vegvesen på synfaring i Stalheimskleiva saman med entreprenørar for å planlegge oppstart av arbeidet. Det vart då oppdaga nokon utfordringar som gjer at tiltaket må endrast i den øvre del av anleggsvegen der den vert påkopla den freda vegen. Tiltaket er naudsynt då påkoplinga til vegen må vera flat. I delegert sak 27.04.21 fekk Statens vegvesen dispensasjon til å utføra dei naudsynte tiltaka på øvste del av anleggsvegen. Etter dispensasjonen vart gitt for tiltaket, har det vore endå ei synfaring på anleggsvegen. Då vart det avdekka at det er naudsynt å pigga/meisla vekk fjell også i starten av anleggsvegen. Fjellknausen kom fram når det vart tatt vekk jord i starten av anleggsvegen. Etter meisling vert jorda lagt tilbake i same høgd som opphavleg, slik at landskapet ikkje vert endra etter arbeidet er avslutta og anleggsvegen er fjerna.



Stipla linje viser trase for anleggsvegen. Kopi frå søknad.

### Lovgrunnlaget.

«Føremålet med Nærøyfjorden landskapsvernområde er å ta vare på eit vakkert og eigenarta natur- og kulturlandskap frå fjord til fjell i eit storfelt isbreutforma landskap med eit mangfald av plante- og dyreliv og der eit kulturlandskap med slåtteteigar, beitelandskap, stølsområde, gardsbruk og kulturminne, skapt gjennom aktiv landbruks-drift, utgjer ein vesentleg del av landskapets karakter» jf. verneforskrifta § 2.

Nærøyfjorden landskapsvernområde er «..verna mot alle inngrep eller tiltak som vesentleg kan endre eller verke inn på landskapets art eller karakter» jf. verneforskrifta § 3, pkt.1.1. Området er verna mot «...oppføring av anlegg og faste innretningar, sprenging, masseuttak, utfylling, planering og lagring av masse, lausbryting og fjerning av stein og mineral...» jf. § 3 pkt. 1.1. a).

Tiltaket med midlertidig anleggsveg må difor vurderast etter naturmangfaldlova § 48 fyrste ledd, fyrste alternativ; «Forvaltingsmyndigheten kan gjøre inntak frå et vernevedtak dersom det ikke strider mot vernevedtakets formål og ikke kan påvirke verneverdiene nevneverdig». Det må vurderast om vilkåra for å gje dispensasjon etter naturmangfaldlova § 48 er oppfylt, og om det kan gjevast dispensasjon til tiltaket.

Etter naturmangfaldlova (nml.) § 7 skal prinsippa i §§ 8-12 leggjast til grunn ved utøving av offentlig mynde, og det skal koma fram av vedtaket korleis prinsippa er vurdert og vektlagt i saka.



## **Vurdering**

Nærøysfjorden verneområdestyret har gitt dispensasjon til å bygge ein midlertidig anleggsveg i Stalheimskleiva. Styret vurderte at tiltaket ikkje ville føre til nemneverdig skade på verneverdiane, eller vera i strid med verneføremålet. Endringane det vert søkt om er mindre tilpassingar for å kunne bygge anleggsvegen og få reparert muren i Stalheimskleiva. Styret har vurdert denne saka tidlegare, og søknaden om endringar vert difor behandla som delegert vedtak.

Kunnskapsgrunnlaget og føre-var prinsippet jf. nml. §§ 8 og 9 vart vurdert i fyrste saksframlegget, sak 24/21, og vert lagt til grunn for vurderinga i denne saka. Fjellet som skal piggast/meislast ned er dekt med eit jordlag, slik at det meste av fjellet ikkje er synleg. Det var fyrst når jordlaget vert tatt vekk at fjellet vart oppdaga. Tiltaket er vurdert til å vera eit lite inngrep som ikkje vil føra til vesentleg endring av landskapet. Endringane er vurdert til i liten grad å gje auka belastning på naturverdiane jf. nml. § 10.

Fjellet skal piggast/meislast ned, og stein og jord vert lagt tilbake etter arbeidet er avslutta og anleggsvegen er fjerna. Tiltaket er avgjerande for å få ein anleggsveg som arbeidsmaskinene kan køyra på. Piggast/meisling av fjellet er i dette tilfellet vurdert til å vera ein skånsam metode for landskapet, og metoden er vurdert til å vera ein god miljømessige metodar jf. nml. § 12. Det skal ikkje fjernast meir fjell enn det som er naudsynt for å få ein flat tilkopling til Stalheimskleiva. Etter anleggsvegen er fjerna skal terrenget tilbakeførast til den stand det var før anleggsvegen vart bygd. For opprydding av området vert det vist til vilkåra i sak 24/21.

Nml. § 11 er vurdert som ikkje relevant i denne saka.

## **Konklusjon**

På bakgrunn av vurdering etter naturmangfaldlova §§ 8-12 og verneforskrifta, meiner forvaltar det er grunnlag for å gje dispensasjon frå naturmangfaldlova § 48 fyrste ledd og fyrste alternativ til endringane det er søkt om for den midlertidig anleggsveg i Stalheimskleiva. Med dei vilkåra som er sett, vil tiltaket ikkje vera i strid med verneføremålet, eller føra til nemneverdig skade på verneverdiane.